

四庫全書

史部

欽定四庫全書

史部

水經注釋卷十四

五

詳校官監察御史_臣周元良

總校官降調編修_臣倉聖脈

校對官編修_臣邱庭濬

謄錄監生_臣陳以沆

欽定四庫全書

水經注釋卷十四

仁和趙一清撰

灤餘水

沽水

鮑丘水

濡水

遼

水

小遼水

涓水

灤餘水出上谷居庸關東

朱氏彛尊曰下舊聞曰按後漢書王霸為上谷太守陳委

榆可從溫水漕以省陸轉輸之勞事皆施行章懷太子

注引水經注本作溫餘水遼史順州有溫榆河金更懷

集縣為溫陽豈盡無據又昌平多溫泉有流入雙塔河

者溫餘之名竊疑因水經注既無善本今人習見坊刻

遂指溫字為濕字之謫正恐類昔人所云以不悖為悖也一清按朱氏之言過矣濕是灤之訛溫又是濕之訛自古未聞以濕水為溫水濕餘之名連上篇出灤頭山之濕水以受稱漢昌平舊縣自有溫水見灤水注中豈可便以濕餘水當之今本漢志注轉寫成訛後漢因之遼金制度隨地改易此正與隋人誤以屯氏河為毛氏河置毛州貽笑千古安可惑於後起之文局彼方隅之見盡廢羣籍從我曲說哉方輿紀要云榆水一名濕餘河或名溫榆河即濕餘之謫也金石文字記云水經濕餘水亦濕字之異文昌平山水記云芹城水出芹城北南入於沙河河水經注芹城水出北山南逕芹城東南注濕餘水以此知沙河之為古濕餘水也傳寫之訛或為溫水後漢書王霸傳云又云溫榆河即昌平之榆河下流為沙河入順義西南謂之西河金人名縣曰溫陽以此遼史作溫榆河本水經之濕餘河以字相似而訛也觀二顧先生之言則知朱氏以濕為溫非惟不識古

傳記之文且不知有漂
水矣可謂不學之甚

關在沮陽城東南六十里居庸界故關名矣更始使
者入上谷耿況迎之於居庸關即是關也其水導源
關山南流歷故關下谿之東岸有石室三層其戶牖
憲扉悉石也蓋古關之候臺矣南則絕谷累石為關
址崇墉峻壁非輕功可舉山岫層深側道褊狹林嶂
邃嶮路才容軌曉禽暮獸寒鳴相和羈官遊子聆之
者莫不傷思矣其水歷山南逕軍都縣界又謂之軍

都關續漢書曰尚書盧植隱上谷軍都山也其水南流出關謂之下口水流潛伏十許里是也

又東流過軍都縣南又東流過薊縣北

灤餘水故瀆東逕軍都縣故城南又東重源潛發積而為潭謂之灤餘潭又東流易荆水注之其水導源西北千蓼泉亦曰丁蓼水東南流逕郁山西謂之易荆水公孫瓚之敗於鮑丘也走保易荆疑岨此水也

一清按後漢書公孫瓚傳注云前漢易縣屬涿郡續漢書曰屬河間瓚所保易京故城在今幽州歸義縣

南十八里歸義即易縣唐時更名易京城在其南若
軍都縣今昌平州二十里有軍都山太行之第八陁
漢立縣於山南居庸關在焉其地古有水名易荆安
可以荆京音同而遂以為伯珪所保之地乎或曰易
荆水即南沙河然道元已著易京城
於易水篇此重錄之蓋愛博之過也 易荆水又東左

合虎眼泉水出平川東南流入易荆水又東南與孤
山之水合水發川左導源孤山東南流入易荆水謂
之塔界水又東逕薊城又東逕昌平縣故城南又謂
之昌平水魏土地記曰薊城東北一百四十里有昌
平城城西有昌平河又東北注灤餘水灤餘水又東

南流左合芹城水水出北山南逕芹城又東南流注
灤餘水灤餘水又東南流逕安樂縣故城西更始使
謁者韓鴻北徇承制拜吳漢為安樂令即此城也

又北屈東南至狐奴縣西入於沽河

昔彭寵使狐奴令王梁南助光武起兵自是縣矣灤
餘水於縣西南東入沽河故地理志曰灤餘水自軍
都縣東至潞南入沽是也

沽河從塞外來

沽河出禦夷鎮西北九十里丹花嶺下東南流大谷
水注之水發鎮北大谷谿西南流逕獨石北界石孤
生不因河而自峙又南九源水注之水導北川左右
翼注八川共成一水故有九源之稱其水南流至獨
石注大谷水大谷水又南逕獨石西又南逕禦夷鎮
城西魏太和中制以捍北狄也又東南尖谷水注之
水源出鎮城東北尖谿西南流逕鎮城東西南流注
大谷水亂流南注沽水又南出夾夾岸有二城世謂

之獨固門以其藉嶮憑固易為依據兼并昇聳疎通
若門故得是名也沽水又南左合乾谿水引北川西
南逕一故亭東又西南注沽水沽水又西南逕赤城
東趙建武年并州刺史王霸為燕所敗退保此城城
在山阜之上下枕深隍谿水之名藉以變稱故河有
赤城之號矣沽水又東南與鵲谷水合水有二源南
即陽樂水也出且居縣地理志曰水出縣東北流逕
大翮山小翮山北歷女祁縣故城南地理志曰東部

都尉治王莽之祁縣也世謂之橫水又謂之陽曲河
一清按直隸赤城縣水今謂之陽田河又曰樣田河
則曲乃田之誤方輿紀要樣田本曰雞田又考資治
通鑑晉紀成帝咸康二年段遼別遣段蘭將步騎數
萬屯柳城西回水胡三省曰回水載記作曲水水經
注陽樂水出上谷且居縣東北流逕女祁縣世謂之
橫水又謂之陽曲水又濡河從塞外來西北逕禦夷
鎮城又東北逕孤山南又東南水流回曲謂之曲水
鎮又據載記曲水當在好城北胡氏所引乃兩曲水
其一為陽樂河今宣化府龍門縣之龍門河也一為
濡水今灤河兩地懸殊非可混而為一彼曲水文云
濡水又東南水流回曲謂之曲河鎮東北三百里所
云鎮即禦夷鎮也此水在禦夷鎮之東北三百里今
胡氏乃誤為曲河鎮耳且此曲水史云柳城西則當
在灤州東北界去上谷絕遠引陽樂水之陽曲河當

之尤繆回曲田三字易致混淆而此水今
有樣田之名則固不可以曲水實之矣 又東南逕

一故亭又東左與候鹵水合水出西北山東南流逕

候鹵城北城在居庸縣西北二百里故名云候鹵太

和中更名禦夷鎮又東南流注陽樂水陽樂水又東

南傍狼山南山石白色特上亭亭孤立超出羣山之

表又東南逕溫泉泉東泉在山曲之中又逕赤城西屈逕

其城南東南入赤城河

一清按漢志上谷郡且居縣陽樂水出東東入海蓋自沽

以達海也 河水又東南右合高峯水水出高峯戍東南城

在山上其水西南流又屈而東南入沽水沽水又西南流出山逕漁陽縣故城西而南合七度水水出北山黃頌谷故亦謂之黃頌水東南流注於沽水沽水又南漁水注之水出縣東南平地泉流西逕漁陽縣故城南考諸地說則無聞所識釋朱氏謀埤箋云謝云識釋疑誤考地尋川則有應氏朱氏謀埤箋云謝云疑有脫誤自今城在斯水之陽有符應說漁陽之名當屬此秦發閭左戍漁陽即是城也漁水又西南入沽水又南與螺山之水合水

出漁陽城南小山魏土地記曰城南五里有螺山其
水西南入沽水沽水又南逕安樂縣故城東晉書地
道記曰晉封劉禪為公國俗謂之西潞水也

南過漁陽狐奴縣北西南與灤餘水合為潞河

沽水西南流逕狐奴山西又南逕狐奴縣故城西漁
陽太守張堪於縣開稻田教民植種百姓得以殷富
童謠歌曰桑無附枝麥秀兩歧張君為政樂不可支
視事八年匈奴不敢犯塞沽水又南陽重溝水注之

水出狐奴山南轉逕狐奴城西王莽之所謂舉符也

側城南注右會沽水沽水又南灤餘水注之沽水又

南左會鮑丘水世所謂東潞也沽水又南逕潞縣為

有潞

一清按此處有誤文

名潞河也魏土地記曰城西三十里

有潞河也

又東南至雍奴縣西入筍溝

灤水入焉俗謂之合口也又東鮑丘水於縣西北而

東出焉

又東南至泉州縣與清河合東入於海清河者派河尾也

沽河又東南逕泉州縣故城東王莽之泉調也沽水又東南合清河也今無水清淇漳洹滏易涿濡沽虢池同歸於海故經曰派河尾也

鮑丘水從塞外來南過漁陽縣東

鮑丘水出禦夷北塞中南流逕九莊嶺東俗謂之大

榆河又南逕鎮東南九十里西密雲戍西

方輿紀要
曰禦夷鎮

城在保安右衛西北所謂濡源之地後魏初拓跋祿官分其國為三部一居上谷之北濡源之西自統之魏主熹始置禦夷鎮於濡源西北為六鎮之一水經注密雲戌在禦夷鎮東南九十里鮑丘水逕其西似鎮與戌境相近賈耽曰密雲去禦夷鎮幾九百里道元時六鎮已陷沒豈傳聞之誤與抑紀載之訛與一清按魏書道元曾持節騎驛與大都督李崇籌宜六鎮改州必親至其地故應詳審且注明云有東密雲故是城言西則近禦夷鎮者西密雲也非昌平州之密雲縣後魏於此置密雲郡及縣者也 又南

左合道人谿水水導北川南流逕孔山西又歷密雲戌東左合孟廣峒水水出峒下峒甚峻峨峨冠衆山之表其水西逕孔山南上有洞穴開明故土俗以

孔山流稱岫水又西南至密雲戍東西注道人水亂
流西南逕密雲戍城南右會大榆河有東密雲故是
城言西矣大榆河又東南流白楊泉水注之北發白
楊谿望離右注大榆河又東南出峽逕安州舊漁陽
郡之滑鹽縣南左合縣之北谿水水出縣北廣長塹
南太和中掘此以防北狄其水南流逕滑鹽縣故城

東王莽更名匡德也漢明帝改曰鹽田

一清按漢志
漁陽郡滑鹽

縣應邵曰明帝更
名鹽似脫田字

右承治

何氏曰承與丞
通蓋鹽官也

世謂之斛

鹽城西北去禦夷鎮二百里南注鮑丘水又南逕僞

奚

一清按漢志作庠奚蓋誤字也孟康曰庠音題字或作題

縣故城東王莽之敦

德也鮑丘水又西南逕獠平縣故城東王莽之所謂

平獠也又南右合三城水水出曰里山西逕平獠城

謂之三城水又逕香陁山上悉生橐本香世故名焉

又西逕石窟南窟內寬廣行者依焉窟內有水淵而

不流栖薄者取給焉又西北逕伏凌山南與石門水

合水出伏凌山山高峻巖郭寒深陰崖積雪凝氷夏

結事同離騷峨峨之詠故世人因以名山也桑谷水
注之是有桑谷之名蓋沿出桑谿故也又西南逕
獮平城東南而右注鮑丘水鮑丘水東南逕漁陽縣
漁陽郡治也秦始皇二十二年置王莽更名通路縣
曰得漁鮑丘水又西南流公孫瓚既害劉虞烏丸思
劉氏之德迎其子和合衆十萬破瓚於是水之上斬
首一萬鮑丘水又西南厯狐奴城東又西南流注於
沽河亂流而南

又南過潞縣西

鮑丘水入潞通得鮑丘之稱矣高粱水注之首受灤
水於戾陵堰水北有梁山山有燕刺王旦之陵故以
戾陵名堰水自堰枝分東逕梁山南又東北逕劉靖
碑北其碑云魏使持節都督河北道諸軍事征北將
軍建城鄉侯沛國劉靖字文恭登梁山以觀源流相
原陞以度形勢嘉武安之通渠美秦民之殷富乃使
帳下督丁鴻軍士千人以嘉平二年立遏於水導高

梁河造戾陵遏開車箱渠其遏表云高梁河水者出

自并州黃河之別源也

一清按此指桑扎即道元注所謂高梁河首受灤水於戾

陵堰者也而又以為高梁無上源何耶

長岸峻固直截中流積石籠以

為主遏高一丈東西長三十丈南北廣七十餘步依

北岸立水門門廣四丈立水遏長十丈山水暴發則

垂遏東下平流守常則自門北入灌田歲二千頃凡

所封地百餘萬畝至景元三年辛酉詔書以民食轉

廣陸費不贍遣謁者樊晨更制水門限田千頃刻地

四千三百一十六頃出給郡縣改定田五千九百三十頃水流乘車箱渠自薊西北逕昌平東盡漁陽潞縣凡所潤舍四五百里所灌田萬有餘頃高下孔齊原隰底平疏之斯溉決之斯散導渠口以為濤門灑漑池以為甘澤施加於當時敷被於後世晉元康四年君少子驍騎將軍平鄉侯宏受命使持節兼幽州諸軍事領護烏丸校尉寧朔將軍遏立積三十六載至五年夏六月洪水暴出毀損四方之三割北岸七

十餘丈上渠車箱所在漫溢追惟前立遏之勲親臨
山川指授規畧命司馬關內侯逢惲內外將士二千
人起長岸立石渠修主遏治水門門廣四丈立水遏
五尺興復載利通塞之宜準遵舊制凡用功四萬有
餘焉諸部王侯不召而自至緦負而趨事者蓋數千
人詩載經始勿亟易稱民忘其勞斯之謂乎於是二
府文武之士感秦國思鄭渠之績魏人置豹祀之義
乃遐慕仁政追述成功元康五年十月十一日刊石

立表以紀勲烈并記遏制度永為後式焉事見其碑
辭又東南流逕薊縣北又東至潞縣注於鮑丘水又
南逕潞縣故城西王莽之通潞亭也漢光武遣吳漢
耿弇等破銅馬五幡於潞東謂是縣也屈而東南流
逕潞城南世祖拜彭寵為漁陽太守治此寵叛光武
遣游擊將軍鄧隆伐之軍於是水之南光武策其必
敗果為寵所破遺壁故壘存焉鮑丘水又東南入夏
澤澤南紆曲渚一十餘里北佩謙澤眇望無垠也

又南至雍奴縣北屈東入於海

鮑丘水自雍奴縣故城西北舊分筭溝水東出今筭
溝水斷衆川東注混同一瀆東逕其縣北又東與洶
河合水出右北平無終縣西山白楊谷西北流逕平
谷縣屈西南流獨樂水入焉水出北抱犢固南逕平
谷縣故城東後漢建武元年光武遣十二將追大槍
五幡及平谷大破之於是縣也其水南流入於洶洶
水又東左合盤山水水出山上其山峻嶮人跡罕交

去山三十許里望山上水可高二十餘里素湍浩然
頽波厯谿沿流而下自西北轉注於洵水洵水又東
南逕平谷縣故城東南與洳河會水出北山山在僂
奚縣故城東南東南流逕博陸故城北又屈逕其城
東世謂之平陸城非也漢武帝璽書封大司馬霍光

為侯國

沈氏曰漢表是昭帝始
元二年封今從光傳

文穎曰博大陸平取

其嘉名而無其縣食邑北海河東

全氏曰是北海之
河東城見本注按

外戚恩澤侯表云北海河間東郡師古曰光初封
食北海河間後益封又食東郡與本傳註不同

瓚曰按漁陽有博陸城謂此也今在且居山之陽處
平陸之上西帶川流而據四水文氏所謂無縣有嘉
名也洳水又東南逕平谷縣故城西而東南流注於
洵渠河洵河又南逕缺城東而南合五百溝水水出
七山北東逕平谷縣之缺城南東入於洵河洵河又
東南逕臨洵城北屈而歷其城東側城南出

一清按方輿記

要臨洵城石趙置亦曰臨渠後魏竹書紀年梁惠成
廢唐武德二年置縣貞觀初省

王十六年齊師及燕戰於洵水齊師遁即是水也洵

水又南入鮑丘水又東合泉州渠口故瀆上承虋池
水於泉州縣故以泉州為名北逕泉州縣東又北逕
雍奴縣東西去雍奴故城一百二十里自虋池北入
其下厯水澤一百八十里入鮑丘河謂之泉州口陳
壽魏志曰曹太祖以蹋頓擾邊將征之從洵口鑿渠
逕雍奴泉州以通河海者也今無水鮑丘水又東庚
水注之水出右北平徐無縣北塞中而南流厯徐無
山得黑牛谷水又得沙谷水並西出山東流注庚水

昔田子秦避難居之衆至五千家開山圖曰山出不
灰之木生火之石案注云其木色黑似炭而無葉有
石赤色如丹以二石相磨則火發以然無灰之木可
以終身今則無之其水又逕徐無縣故城東王莽之
北順亭魏土地記曰右北平城東北一百一十里有
徐無城其水又西南與周盧溪水合水出徐無山東
南流注庚水庚水又西南流灋水注之水出右北平
俊靡縣王莽之俊麻也東南流世謂之車輦水又東

南與溫泉水合水出北山溫溪即溫源也養疾者不能澡其炎漂以其過灼故也魏土地記曰徐無城東有溫湯即此也其水南流百步便伏流入於地下水盛則通注灋水又東南逕石門峽山高嶄絕壁立洞

開俗謂之石門口漢中平四年漁陽張純反殺右北

平太守劉政遼東太守陽紘

一清按後漢書靈帝紀作陽終

中平五

年詔中郎將孟益

一清按靈帝紀作孟益

率公孫瓚討純戰於

石門大破之

日知錄曰後漢書公孫瓚傳中平中張純與烏桓丘力居等入寇瓚追擊戰於

屬國石門大敗之註石門山今營州柳城縣西南本紀但言石門而傳言屬國石門明有兩石門水經所指乃漁陽之石門非遼東屬國之石門當以柳城為是通典柳城有石門山 澧水又東南

流謂之北黃水又屈而為南黃水又西南逕無終山

即帛仲理所合神丹處也又於是山作金五千斤以

救百姓山有陽翁伯玉田在縣西北有陽公壇社即

陽公之故居也搜神記曰雍伯雒陽人至性篤孝父

母終沒塋之於無終山山高八十里而上無水雍伯

置飲焉有人就飲與石一斗令種之玉生其田北平

徐氏有女雍伯求之要以白璧一雙媒者致命伯至

玉田求得五雙徐氏妻之遂即家焉

一清按御覽引水經曰翁伯周

未避亂達無終山山前有泉甚清夏常淶浴得玉璧一雙於泉側與今本異

陽氏譜叙言

翁伯是周景王之孫食采陽樊春秋之末爰宅無終

因陽樊而易氏焉愛人博施天祚玉田其碑文云居

於縣北六十里翁同之山後路徙於西山之下陽公

又遷焉而受玉田之賜情不好寶玉田自去今猶謂

之為玉田陽干寶曰於種石處四角作大石柱各一

丈中央一頃之地名曰玉田至今相傳云玉田之揭

起於此矣而今不知所在同之譜叙自去文矣

一清按此

二句文義未詳疑有誤史記貨殖傳云販脂辱處也而雍伯千金索隱曰漢書作翁伯事亦見仙傳拾遺又孝德傳云魏陽雍河南洛陽人同之譜叙翁同似是陽公之名今薊州城北五里有崆峒山寰宇記崆峒山一云翁同山蓋以人得名又去文二字或云是云久之訛 藍水注之水出北

山東屈而南流逕無終縣故城東故城無終子國也

春秋襄公四年無終子嘉父使孟樂如晉因魏絳納

虎豹之皮請和諸戎是也故燕地矣秦始皇二十二

年滅燕置右北平郡治此王莽之所謂北順也漢世

李廣為郡出遇伏石謂虎也射之飲羽即此處矣

宋氏

琬曰漢右北平郡治平置後漢治土垠水經注魏氏
土地記曰薊城東北三百里有右北平城薊城今京
師也括地志漁陽郡東南七十里有右北平城當在
今薊州玉田縣界此後漢之右北平也若平置則在
盧龍塞之東北三四百里此前漢之右北平而李廣
之所守也射虎石水經注言此石在玉田無終之間
是以後漢之右北平為李廣所治與東魏土地記曰
越晉陘之說自相矛盾著書之難如此魏土地記曰
右北平城西北百三十里有無終城

顧氏炎武曰樊
增傳擊陳豨破

得綦毋卯尹潘軍於無終廣昌豈無終之先在雲代
之境而後遷於右北平與一清按顧氏之說是也不

然石北平去太原東北二千餘里嘉父安得遠涉而與晉和

其水又南入灋灋水

又西南入於庚水地理志曰灋水出俊靡縣南至無終東入庚水庚水世亦謂之為柘水也南逕燕山上

懸巖之側有石鼓去地百餘丈望若數百石圉有石

梁貫之鼓之東南有石人援桴狀同擊勢者舊言燕

山石鼓鳴則土有兵庚水又南逕北平城而南入鮑

丘水謂之柘口

一清按漢志右北平郡無終縣灋水西至雍奴入海過郡二行六百五十

里師古曰灋音庚即庚水也蓋合鮑丘水以入海

鮑丘水又東逕右北平郡

故城南魏土地記曰薊城東北三百里有右北城鮑丘水又東巨梁水注之水出土垠縣北陳宮山西南流逕觀雞山謂之觀雞水水東有觀雞寺寺內起大堂甚高廣可容千僧下悉結石為之上加塗墍基內疎通枝經脈散基側室外四出爨火炎勢內流一堂盡溫蓋以此土寒嚴霜氣肅猛出家沙門率皆貧薄施主慮闕道業故崇斯構是以志道者多栖托焉其水又西南流右合區落水水出縣北山東南流入巨

梁水巨梁水又西逕故垠縣故城西左會寒渡水水出縣東北西南流至縣右注梁河梁河又南澗于水注之水出東北山西南流逕土垠縣故城東西南流入巨梁水又東南右合五里水水發北平城東北五里山故世以五里名溝一名田繼泉西流南屈逕北平城東南流注巨梁河亂流入於鮑丘水巨梁自是水之南極虜池西至泉州雍奴東極於海謂之雍奴藪其澤野有九十九澱枝流條谷往往逕通非唯

梁河鮑丘歸海者也

濡水從塞外來東南過遼西令支縣北

一清按濡水有二禹貢雖指曰

一音人朱切出涿郡故安縣東南流至范陽縣合易水入河春秋昭公七年齊燕盟於濡上即此水一音乃官

切讀若難從塞外來東南流至象縣碣石山入海即今梁河

濡水出禦夷鎮東南其水二源雙引夾山西北流出山合成一川又西北逕禦夷故城東鎮北百四十里北流左則連泉水注之水出故城東西北流逕故城南又西北逕淶水池南其水淵而不流其水又西屈

而北流又東逕故城北連結兩池沼謂之連泉浦又東北注難河難河右則汙水入焉水出東塢南西北流逕沙野南北人名之曰沙

一清按下有脫字

鎮東北二百

三十里西北入難河濡難聲相近狄俗語譌耳濡水又北逕沙野西又北逕箕安山東屈而東北流逕沙野北東北流逕松林山北水北有池潭而不流濡水又東北流逕孤山南東北流呂泉水注之水出呂泉塢西東南流屈而東逕塢南東北流三泉水注之其

源三泉雁次合為一水鎮東北四百里東南注呂泉
水呂泉水又東逕孤山北又東北逆流水注之水出
東南導源西流右屈而東北注松林山水會之水出
山南東注逆水亂流東北注濡河濡河又東盤泉入
焉水自西北東南流注濡河濡河又東南水流迴曲
謂之曲河鎮東北三百里又東出峽入安州界東南
流逕漁陽白檀縣故城地理志曰洹水

一清按今本漢書亦作洹

然注不別出洹水是當即濡水矣此六朝以前本之訛誤也

出北蠻夷中漢景帝

詔李廣曰將軍其帥師東轅弭節白檀者也又東南

流右與要水合水出塞外三川並導謂之大要水也

東南流逕要陽縣故城東

魏書地形志密雲郡要陽前漢屬漁陽後漢晉罷後

復屬桃花山方輿紀要要陽廢縣在密雲縣東南六十

里漢縣漁陽都尉治此後漢廢後魏復置屬密雲

郡北齊廢魏志縣有桃花山即今桃山在薊州西南

蓋境相接也一統志要陽廢縣在密雲縣東南漢縣

在今古北口外後魏時僞置於此屬密雲郡北齊省

縣志要陽故城在縣東南六十里畿輔通志要陽故

城在密雲縣東北塞外縣志

要陽故城在東南六十里

本都尉治王莽更之曰

要街矣要水又東南流逕白檀縣而東南流入於濡

濡水又東南索頭水注之水北流南逕廣陽僑郡西
魏分右北平置今安州治又東南流注於濡水濡水
又東南流武列水入焉其水三川派合西源右為谿
水亦曰西藏水東南流出谿與蟠泉水合泉發州東
十五里東流九十里東注西藏水西藏水又西南流
東藏水注之水出東谿一曰東藏水西南流出谷與
中藏水合水導中谿南流出谷南注東藏水故目其
川曰三藏川水曰三藏水

一清按通鑑晉紀成帝咸
康四年燕王鮓遣慕容恪

伏精騎七千於密雲山大敗麻秋於三藏
蓋三藏水所會之口也在今右北口塞外

東藏水

又南右入西藏水亂流右會龍泉水水出東山下淵

深不測其水西南流注於三藏水

三藏水畿輔通志一名三城水在密

雲縣東北其水三川派合曰西藏川東藏川中藏川
其合處曰三藏口下流亦入於潮河方輿紀要密雲

縣東北有武列水亦曰三藏川其水三川派合曰西
藏川中藏川東藏川其合處曰三藏口晉咸康四年

慕容皝伏兵於此敗趙將麻秋處也水經注要水武
列水三藏水並注於濡水濡同濞潮水亦有濞河之

名
三藏水又西南流與龍芻水合西出於龍芻之谿

東流入三藏水又東南流逕武列谿謂之武列水東

南厯右楫下楫在層巒之上有孤石雲舉臨崖危峻
可高百餘仞收守所選命選練之士彎張弧矢無能
屈其崇標者其水東合流入濡濡水又東南五渡水
注之水北出安樂縣丁原山南流逕其縣故城西本
三會城也其水南入五渡塘於其川也流紆曲溯涉
者頻濟故川塘取名矣又南流注於濡濡水又與高
石水合水東出安樂縣東山西流厯三會城南西入
五渡川下注濡水濡水又東南逕盧龍塞塞道自無

終縣東出渡濡水向林蘭陁東至青陁盧龍之嶮峻
坂縈折故有九崢之名矣燕景昭元璽二年遣將軍

步渾治盧龍塞道燕山刊石令通方軌刻石嶺上以

記事功其銘尚存而庾杲之

何氏曰庾闡字仲初注誤以為杲之一清按下

文云而仲初言在南非也則又

注揚都賦言盧龍山

不誤豈以杲之為仲初之名乎在平置城北殊為孟浪遠失事實余按盧龍東越青

陁至凡城二百許里自凡城東北出趣平置故城可

百八十里向黃龍則五百里故陳壽魏志田疇引軍

出盧龍塞塹土堙谷五百餘里逕白檀厯平置登白
檀望柳城平置在盧龍東北遠矣而仲初言在南非
也濡水又東南逕盧龍故城東漢建安十二年魏武
征蹋頓所築也濡水又南黃洛水注之水北出盧龍
山南流入於濡濡水又東南敖水右合焉水出盧龍
塞西南流注濡水又合屈而注左得潤水右會敖水
二水並自盧龍西注濡水又東南流逕令支縣故城
東王莽之令氏亭也秦始皇二十二年分燕置遼西

郡令支隸焉魏土地記曰肥如城西十里有濡水南
流注孤竹城西右合元水也謂之小濡水非也水出
肥如縣東北元溪西南流逕其縣東東屈南轉西迴
逕肥如縣故城南俗又謂之肥如水非也故城肥子
國應劭曰晉滅肥肥子奔燕

全氏曰肥子為晉荀
吳所俘不得云奔燕

封於此故曰肥如也漢高帝六年封蔡寅為侯國西
南流右會盧水水出縣東北沮溪南流謂之大沮水
又南左合陽樂水水出東北陽樂溪地理風俗記曰

陽樂故燕地遼西郡治秦始皇二十二年置魏土地
記曰海陽城西南有陽樂城其水又西南入於沮水
謂之陽口沮水又西南小沮水注之水發冷溪世謂
之冷池又南得溫泉水口水出東北溫溪自溪西南
流入於小沮水小沮水又南流與大沮水合而為盧
水也桑欽說盧予之書言晉既滅肥遷其族於盧水
全氏曰上言燕封肥于此又引桑欽語以為晉
遷肥族盧水非晉封域安得遷亡國之人於此盧水
有二渠號小沮大沮合而入於元水盧水又南與溫

水合水出肥如城北西流注於元水地理志曰盧水
又南入元水元水又西南逕孤竹城北西入濡水故
地理志曰元水東入濡蓋自東而注也地理志曰今
支有孤竹城故孤竹國也史記曰孤竹君之二子伯
夷叔齊讓國於此而餓死於首陽漢靈帝時遼西太
守廉翻夢人謂已曰余孤竹君之子伯夷之弟遼海
漂吾棺榔聞君仁善願見藏覆明日視之水上有浮
棺吏嗤笑者皆無疾而死於是改塋之晉書地道志

曰遼西人見遼水有浮棺欲破之語曰我孤竹君子也汝破我何為因為立祠焉祠在山上城在山側肥如縣南十二里水之會也

又東南過海陽縣西南入於海

濡水自孤竹城東南逕西鄉北瓠溝水注之水出城東南流注濡水濡水又逕故城南分為二水北水枝出世謂之小濡水也東逕樂安亭北東南入海濡水東南流逕樂安亭南東與新河故瀆合自雍奴縣承

鮑丘水東出謂之鹽關口魏太祖征蹋頓與沟口俱導也世謂之新河矣陳壽魏志以通河海也新河又

東北絕庚水又東北出逕右北平絕沟渠之水

一清按一

統志引此文作巨梁水是蓋庚水在巨梁西北新河絕庚水則今沽河合沟河而名為蘄運河者也於是東絕巨梁水巨梁水今還鄉河也於是而清而漑迤邐東入於海若絕庚水之後更絕沟水則是水反西出無是又東北逕昌城縣故城北王莽之淑武也至理也

新河又東分為二水枝瀆東南入海新河自枝渠東出合封大水謂之交流合水出新安平縣西南流逕

新安平縣故城西地理志遼西之屬縣也又東南流
龍鮮水注之水出縣西北世謂之馬頭水二源俱導
南合一川東流注封大水地理志曰龍鮮水東入封
大水者也亂流南會新河南流入於海地理志曰封
大水於海陽縣南入海新河又東出海陽縣與緩虛
水會水出新安平縣東北世謂之大龍水東南流逕
令支城西南流與新河合南流入於海地理志曰
緩虛水與封大水皆南入海新河又東與素河會謂

之白水口水出令支縣之藍山南合新河又東南入

海新河又東至九陂口枝分南注海新河又東逕海

陽縣故城南漢高祖六年封搖毋餘為侯國

全氏曰按搖毋

餘南粵將豈有嶠外之產而封之遼魏土地記曰令海者故索隱曰是南越縣志闕是矣

支城南六十里有海陽城者也新河又東與清水會

水出海陽縣東南流逕海陽城東又南合新河又南

流一十許里西入九陂口注海新河東絕清水又東

木究水出焉南入海新河又東左迤與北陽孤淀合

右絕新河南注海新河又東會於濡濡水又東南至
紫縣碣石山文穎曰碣石在遼西紫縣王莽之選武

也紫縣并屬臨榆王莽更臨榆為憑德地理志曰大

碣石山在右北平驪成縣西南王莽改曰揭石也貢禹

雖指曰山有名同而繫之以大小者驪成之山稱大
碣石則必有小碣石在蓋在紫縣海旁之石矣酈道

元既宗文穎以為碣石在紫縣又引驪成大碣石以
証之若以其山為跨二縣之境也者今按濡水從塞

外來東南流逕樂安亭南東與新河故瀆合又東南
至紫縣碣石山而南入於海樂安亭者蓋即今樂亭

縣東北之樂安故城也紫縣在其南驪成在其西據
濡水歷亭南而東又東南至碣石則碣石在亭之東

南與驪成之大碣石相去濶絕安得連為一山郭璞注山海經曰碣石在臨渝或云在驪成蓋兩存之愚謂在臨渝者為是也文穎以建安時正班固漢武帝之碣石猶王橫以新莽時正史遷之禹河也

亦嘗登之以望巨海而勒其石於此今枕海有石如甬道數十里當山頂有大石如柱形往往而見立於巨海之中潮水大至則隱及潮波退不動不沒不知深淺世名之曰天橋柱也狀若人造要亦非人力所就韋昭亦指此為碣石也三齊畧記曰始皇於海中作石橋海神為之豎柱始皇求與相見神曰我形醜

莫圖我形當與帝相見乃入海四十里見海神左右
莫動手工人潛以脚畫其狀神怒曰帝負約速去始
皇轉馬還前脚猶立後脚隨崩僅得登岸畫者溺死
於海衆山之石皆傾注今猶岌岌東趣疑即是也濡
水於此南入海而不逕海陽縣西也蓋經誤證耳又
按管子齊桓公二十年征孤竹未至卑耳之谿十里
闕然止矐然視援弓將射引而未發謂左右曰見前
乎左右對曰不見公曰寡人見長尺而人物具焉冠

右祛衣走馬前豈有人若此乎管仲對曰臣聞登山之神有俞兒長尺人物具霸王之君興則登山之神見且走馬前走導也祛衣示前有水右祛衣示從右方涉也至卑耳之谿有贊水者從左方涉其深及冠右方涉其深及膝已涉陸濟桓公拜曰仲父之聖至此寡人之抵罪也久矣今自孤竹南出則巨海矣而滄海之中山望多矣然卑耳之川若贊谿者亦不知所在也

一清按史記齊世家云桓公稱曰寡人南伐召陵望熊山北伐山戎離枝孤竹西伐大夏

涉流沙東馬懸車登太行至卑耳山還正義云卑音辟是也索隱曰卑耳山在河東大陽縣方輿紀要卑耳山在山西平陸縣東桓公西伐登太行卑耳宜在漢之大陽而道元以為谿名記於濡水是因管子之文相仍書之兩地懸殊未知孰是也又按齊語之桓公懸車束馬踰太行與辟耳之谿拘夏韋昭曰拘夏辟耳山之谿也豈亦贊谿之異名乎昔在漢世海水波襄吞食地廣當同碣石苞淪洪波也

大遼水出塞外衛白平山

一清按山海經海內東經曰遼水出衛皋東郭註云出塞

外衛皋山似合白平二字為一

東南入塞過遼東襄平縣西

遼水亦言出砮石山自塞外東流直遼東之望平縣

西王莽之長說也屈而西南流逕襄平縣故城西秦

始皇二十三年滅燕置遼東郡治此漢高帝八年封

紀通為侯國

全氏曰紀通所封之襄平不在遼東索隱曰是臨淮地理志臨淮郡襄平縣侯

國王莽之昌平也故平州治又東逕遼隧縣故城西

王莽更名之曰順睦也公孫淵遣將軍畢衍拒司馬

懿於遼隧即是處也遼水又南歷縣有小遼水共流

注之也

又東南過房縣西

地理志曰房故遼東之屬縣遼水右會白狼水水出
右北平白狼縣東南逕廣成縣北流西北屈逕廣成
縣故城南王莽之平虜也俗謂之廣都城又西北石
城川水注之水出西南石城山東流逕石城縣故城
南地理志曰右北平有石城縣北屈逕白鹿山西即
白狼山也魏書國志曰遼西單于蹋頓尤強為袁氏
所厚故袁尚歸之數入為害公出盧龍塹山堙谷五
百餘里未至柳城二百里尚與蹋頓將數萬騎逆戰

公登白狼山望柳城卒與虜遇乘其不整縱兵擊之虜衆大崩斬蹋頓胡漢降者二十萬口英雄記曰曹操於是擊馬鞍於馬上作十片即於此也博物志曰魏武於馬上逢獅子使格之殺傷甚衆王乃統率常從健兒數百人擊之獅子哮呼奮越左右咸驚王忽見一物從林中出如狸超上王車輒上獅子將至此獸便跳上獅子頭上獅子即伏不敢起於是遂殺之得獅子而還未至洛陽四十里洛中雞犬皆無鳴吠

者也其水又東北入廣成縣東注白狼水白狼水北
逕白狼縣故城東王莽更名伏狄白狼水又東方城
川水注之水發源西南山下流北屈逕一故城西世
謂之雀目城東屈逕方城北東入白狼水白狼水又
東北逕昌黎縣故城西地理志曰交黎也東部都尉

治王莽之禽虜也應劭曰今昌黎也

一清按續志無昌黎縣晉志以

為魏置魏書三少帝紀正始五年九月鮮卑內附置
遼東屬國立昌黎縣以居之今以仲瑗之言考之則
東京已有是縣旋廢而魏復立之宋琬曰後漢志作
昌遼或黎字之誤非也通鑑註昌黎漢交黎縣屬遼

西郡而後漢屬遼東屬國都尉魏立昌黎縣後立昌黎郡章懷後漢書註夫黎縣屬遼東屬國寰宇記扶黎城在柳城縣東扶黎之名不見史志然必有據也 高平川水注之水出西北

平川東流逕倭城北蓋倭地人徙之又東南逕乳樓城北蓋逕戎鄉邑兼夷稱之又東南注白狼水白狼水又東北自魯水注之水導西北遼山東南注白狼水白狼山又東北逕龍山西燕慕容皝以柳城之北龍山之南福地也使裕築龍城改柳城為龍城縣十二年黑龍白龍見於龍山皝親觀龍去二百步祭以

太牢二龍交首嬉翔解角而去銑說大赦號新宮曰

和龍宮立龍翔祠於山上白狼水又北逕黃龍城東

十三州志曰遼東屬國都尉治昌遼道

一清按續志遼東屬國劉

昭補註曰故邯鄲西部都尉安帝時以為屬國都尉別領六城首曰昌遼故天遼而前志又無天遼之目

有黃龍亭者也魏營州刺史治魏土地記曰黃龍西

南有白狼河東北流附城東北下即是也又東北濫

真水出西北塞外東南歷重山東南入白狼水白狼

水又東北出東流分為二水右水疑即渝水也地理

志曰渝水首受白狼水

一清按漢志遼西郡臨渝縣渝水首受白狼東入塞外交

黎縣渝水首受塞外南入海道元以為即是一水又右北平郡字縣渝水出東今字縣不知所在文獻通考貞觀二十一年李勣破高麗於南蘇班師至頗利城渡白狼黃品二水皆由鄴以下勣怪二水淺狹問契丹遼源所在云此二水更行數里合西南巡山逕而南流即稱遼水更無遼源可尋也

一故城西以為河連城疑是臨渝縣之故城王莽曰

馮德者矣渝水南流東屈與一水會世名之曰槇倫

水蓋戎方之變名矣

一清按通鑑槇盧城下註引此文方輿紀要槇盧城在凡城東

城在水傍故曰槇盧疑即地理志所謂侯水北入渝者也十三

州志曰侯水南入渝地理志言蓋自北而南也又西

南流注於渝渝水又東南逕一故城東俗曰女羅城

又南逕營丘城西營丘在齊而名之於遼燕之間者

蓋燕齊遼迴僑分所在

方輿紀要營丘城在營州南五代志慕容廆以宥州流人

置營丘郡治武寧縣後魏郡縣俱廢正光末復置領富平永安二縣高齊時唐契丹重熙初析霸城縣置

營丘縣蓋因故郡為名也

其水東南入海地理志曰渝水自塞外

南入海一水東北出塞為白狼水又東南流至房縣

注於遼魏土地記曰白狼水下入遼也

又東過安市縣西南入於海

十三州志曰大遼水自塞外西南至安市入於海

又元菟高句麗縣有遼山小遼水所出

縣故高句麗胡之國也漢武帝元封二年平右渠置

元菟郡於此王莽之下句麗水出遼山西南流逕遼

陽縣與大梁水會水出北塞外西南流注遼水故地

理志曰大梁水西南至遼陽入遼郡國志曰縣故屬

遼東後入元菟其水西南流故謂之為梁水也小遼

水又西南逕襄平縣為淡淵晉永嘉三年涸小遼水
又逕襄平縣入大梁水司馬宣王之平遼東也斬公
孫淵於斯水之上者也

西南至遼隧縣入於大遼水也

洹水出樂浪鏤方縣東南過於臨洹縣

一清按兩漢志
晉志魏志隋五

代志俱無臨洹縣未知從何
得名此卷中之大可疑者

東入於海

許慎云洹水出鏤方東入海一曰出洹水縣十三州
志曰洹水縣在樂浪東北鏤方縣在郡東盖出其縣

而逕鏤方也

朱氏謀璋箋曰謝云此下宋本原缺十二字

昔燕人衛滿自

涓水西至朝鮮朝鮮故箕子國也箕子教民以義田

織信厚約以八法而下知禁遂成禮俗戰國時滿乃

王之都王險城地方數千里至其孫右渠漢武帝元

封二年遣樓船將軍楊僕左將軍荀彘討右渠破於

涓水遂滅之若涓水東流無渡涓之理其地今高句

麗之國治余訪蕃使言城在涓水之陽

一清按漢志遼東郡險瀆

縣應劭註曰朝鮮王滿都也依水險故曰險瀆臣其
瓚曰王險城在樂浪即涓水之東北自是險瀆也

水西流逕故樂浪朝鮮縣即樂浪郡治漢武帝置而西北流故地理志曰湏水而至增地縣入海又漢興以朝鮮為遠循遼東故塞至湏水為界考之今古於

事差繆蓋經誤證也

全氏曰按漢志東方之水不見於水經注者遼西郡新安平縣

夷水東入塞外柳城縣馬首山在西南參柳水北入海狐蘇縣唐就水至徒河入海寰宇記彭盧水即唐就水後魏輿地圖風土記云水至徒河入海與地平故曰平盧今語訛為彭盧索縣下官水南入海又有揭石水賔水皆南入海遼東郡居就縣室偽山室偽水所出北至襄平入梁也番汗縣沛水出塞外西南入海應劭曰汗水出塞外西南入海沓氏縣應劭曰沓水也師古曰凡言氏者皆謂因之而立名說文云

沓語多沓沓也遼東有沓氏縣徐鉉曰語多沓沓若水之流然則本非水名也或曰非也三國志吳嘉禾二年譙討公孫淵陸瑁曰沓沓至淵道里尚遠漢沓氏縣西南臨海渚謂之沓渚泛海至遼沓渚其登涉之所也元菟郡高句麗縣南蘇水西北逕塞外西蓋馬縣馬訾水馬訾水近代謂之鴨綠江新唐書云馬訾水去靺鞨長白山色若鴨綠疏鴨綠水隋元萬頃檄文云不知守鴨綠之險高麗報曰謹聞命矣即此水也西北入鹽難水西南至西安平入海過郡二行一千一百里後漢書東夷傳句驪一名貊耳有別種依小水為居因名曰小水貊章懷注引魏氏春秋曰遼東郡西安平縣北有小水南流入海樂浪郡含資縣帶水西至帶方入海吞列縣分黎山列水所出西至黏蟬入海行八百二十里此殆所云有小水四十里并行三千四十六里者也不特此也武帝紀云元朔元年東夷歲君南閭等降以其地為蒼海郡三年

罷元封三年朝鮮降以其地為樂浪元菟臨屯真番
郡臣瓚曰茂陵書臨屯郡治東曉縣去長安六千一
百三十八里十五縣真番郡治雲縣去長安七千六
百四十里十五縣昭帝紀云始元五年罷真番郡而
臨屯之罷據范氏東夷傳亦在始元五
年三郡既廢其地之水亦不復可問矣

水經注釋卷十四

欽定四庫全書

水經注釋卷十五

仁和趙一清撰

洛水

伊水

瀍水

澗水

洛水出京兆上洛縣謹舉山

地理志曰洛出冢嶺山山海經曰出上洛西山

一清按此

文在海內東經

又曰謹舉之山洛水出焉

一清按此文在中山經

東與

丹水合水出西北竹山東南流注於洛

金氏曰按丹水不入洛道

元繆也

洛水又東尸水注之水北出尸山南流入洛洛

水又東得乳水水北出良餘山南流注於洛洛水又

東會於龍餘之水山海經曰水出蠱尾之山東流入

洛洛水又東至陽虛山合於元扈之水

一清按山海經曰雒水東

北流注於元扈之水又曰陽虛之山臨於元扈之水道元蓋抄變其詞

是也又曰自鹿

蹠之山以至元扈之山凡九山元扈亦山名也而通

與謹舉為九山之次焉故山海經曰此二山者洛間

也是知元扈之水出於元扈之山蓋山水兼受其目

矣其水逕於陽虛之下山海經又曰陽虛之山臨於
元扈之水是為洛汭也河圖玉版曰倉頡為帝南巡
登陽虛之山臨於元扈洛汭之水靈龜負書丹甲青
文以授之即於此水也洛水又東歷清池山傍東合
武里水水南出武里山東北流注於洛洛水又東門
水出焉爾雅所謂洛別為波也

全氏曰波元見穀水
注道元以門水當之

恐非王伯
厚亦云

洛水又東要水入焉水南出三要山東北

逕拒陽城西而東北流入於洛洛水又東與獲水合

水南出獲輿山俗謂之備水也東北逕獲輿川世名之為卻川東北流注於洛洛水又東逕熊耳山北禹貢所謂導洛自熊耳博物志曰洛出熊耳蓋開其源者是也

一清按漢志宏農郡上雒縣禹貢雒水出家嶺山又云熊耳獲輿山在東北此即所謂連

麓而異名也

東北過盧氏縣南

洛水逕陽渠關北陽渠水南出陽渠山即荀渠山也其水一源兩分川流半解一水西北流屈而東北入

於洛山海經曰熊耳之山浮豪之水出焉西北流注於洛疑即是水也苟渠蓋熊耳之殊稱若太行之歸山也故地說曰熊耳之山地門也洛水出其間是亦總名矣其一水東北逕陽渠城西故闕城也其水東北流注於洛洛水又東逕盧氏縣故城南竹書紀年晉出公十九年晉韓龐取盧氏城王莽之昌富也有盧氏川水注之水北出盧氏山東南流逕盧氏城而東流注於洛水又東翼合三川並出縣之南山東北

注洛開山圖曰盧氏山宜五穀可避水災亦通謂之石城山山在宜陽山西南千名之山咸處其內陵阜原隰易以度身者也又有葛蔓谷水自南山流注洛水洛水又東逕高門城南即宋書所謂後軍外兵龐季明入盧氏進達高門木城者也洛水東與高門水合水出北山東南流合洛水枝津水上承洛水東北流逕石勒城北又東逕高門城北東入高門水亂注南注洛洛水又東松陽溪水注之水出松陽山北流

注於洛洛水又東逕黃亭南又東合黃亭溪水水出
鵜鷗山山有二峯峻極於天高崖雲舉亢石無階援
徒喪其捷巧鼃族謝其輕工及其長霄冒顛層霞冠
峯方乃就辨優劣耳故有大小鵜鷗之名矣谿水東
南流歷亭下謂之黃亭谿水又東南入於洛水洛水
又東得荀公溪口水出南山荀公澗即龐季明所入
荀公谷者也其水歷谷東北流注於洛水洛水又東
逕檀山南其山四絕孤峙山上有塢聚俗謂之檀山

塢義熙中劉公西入長安舟師所屆次於洛陽命參
軍戴延之與府舍人虞道元即舟溯流窮覽洛川欲
知水軍可至之處延之屆此而返竟不達其源也洛
水又東庫谷水注之水自宜陽山南三川並發合為
一谿東北流注於洛洛水又東得鵜鷁水口水北發
鵜鷁澗東南流入於洛洛水又逕僕谷亭北左合北
水水出北山東南流注於洛洛水又東侯谷水出南
山北流入於洛洛水又東逕龍驤城北龍驤將軍王

鎮惡從劉公西入長安陸逕所由故城得其名洛水
又東左合宜陽北山水水自北谿南流注洛洛水又
東廣由澗水注之水出南山由谿北流逕龍驤城東
而北流入於洛洛水又東右得直谷水水出南山北
逕屯城西北流注於洛水也

又東北過蠡城邑之南

城西有塢水出北四里山上原高二十五丈故黿池
縣治南對金門塢水南五里舊宜陽縣治也洛水右

會金門谿水水南出金門山北逕金門塢西北流入於洛洛水又東合款水水有二源並發兩川逕引謂之大款水也合而東南入於洛洛水又東黍良谷水入焉南出金門山開山圖曰山多重固在韓建武二

年强弩偏將軍陳俊

一清按後漢書陳俊傳建武二年秋大司馬吳漢承制拜俊為

强弩大將軍注云偏將軍蓋誤也

轉擊金門白馬皆破之即此也而

東北流注於洛洛水又東左合北谿南流入於洛也

又東過陽市邑南又東北過於父邑之南

一清按寰宇記引此作文

邑誤也

太陰谷水南出太陰谿北流注於洛洛水又東合白
馬谿水出宜陽山澗有大石厥狀似馬故谿澗以物
色受名也谿水又東北流注於洛洛水又東有昌澗
水注之水出西北宜陽山而東南流逕宜陽故郡南
舊陽市邑也故洛陽都典農治此後改為郡其水又
東南注於洛洛水又東逕一合塢南城在川北原上
高二十丈南北東三箱天嶮峭絕惟築西面即為合

固一合之名起於是矣劉曜之將攻河南也晉將軍
魏該奔於此故於父邑也洛水又東合杜陽澗水水
出西北杜陽谿逕一合塢東與槃谷水合亂流東南
入洛洛水又東渠谷水出宜陽縣南女几山東北流
逕雲中塢左上迢遞層峻流煙半垂纓帶山阜故塢
受其名水又東北入洛水臧榮緒晉書稱孫登嘗經
宜陽山作炭人見之與語登不應作炭者覺其精神
非常咸共傳說太祖聞之使阮籍往觀與語亦不應

籍因大嘯登笑曰復作向聲又為嘯求與俱出登不
肯籍因別去登上岸行且嘯如簫韶笙簧之音聲振
山谷籍怪而問作炭人作炭人曰故是向人聲籍更
求之不知所止推問久之乃知姓名余按孫綽之叙
高士傳言在蘇門山又別作登傳孫盛魏春秋亦言
在蘇門山又不列姓名阮嗣宗感之著大人先生論
言吾不知其人既神遊自得不與物交阮氏尚不能
動其英操復不識何人而能得其姓名

又東北過宜陽縣南

洛水之北有熊耳山雙巒競舉狀同熊耳此自別山
不與禹貢導洛自熊耳同也昔漢光武破赤眉樊崇
積甲仗與熊耳平即是山也山際有池池水東南流
水側有一池世謂之黿池矣又東南逕宜陽縣故城
西謂之西度水又東南流入於洛洛水又東逕宜陽
縣故城南秦武王以甘茂為左丞相曰寡人欲通三
川窺周室死不朽矣茂請約魏以攻韓斬首六萬遂

拔宜陽城故韓地也後乃縣之漢哀帝封息夫躬為

侯國

全氏曰本傳及表是封宜陵屬杜衍杜衍南陽之屬縣也善長誤以為宜陽

城之西

門赤眉樊崇與盆子及大將等奉璽綬劍壁處世祖

不即見明日陳兵於洛水見盆子等謂盆子丞相徐

宣曰不悔乎宣曰不悔上歎曰卿庸中皃皃鐵中錚

錚也洛水又東與厭染之水合水出縣北傳山大陂

山無草木其水自陂北流屈而東南注世謂之五延

水又東南流逕宜陽縣故城東東南流注於洛洛水

又東南黃中澗水出北阜二源奇發總成一川東流注於洛洛水又東祿泉水注之其水北出近谿洛水又東共水入焉水北出長石之山山無草木其西有谷焉厥名共谷共水出焉南流得尹谿口水出西北尹谷東南注之其水右與西南左澗水會水東出近川西流注於共水共水又南與李谷水合水出西北李谿東南注蓁水蓁水發源蓁谷西南流與李谷水合而西南流入共水共水世謂之石頭泉而南流注

於洛洛水又東黑澗水南出陸渾西山歷於黑澗西
北入洛洛水又東臨亭川水注之水出西北近溪東
南與長澗水會水出北山南入臨亭水又東南歷九
曲西而南入洛水也

又東北出散關南

洛水東逕九曲南其地十里有坂九曲穆天子傳所
謂天子西征升於九阿此是也洛水又東與豪水會
水出新安縣密山南流歷九曲東而南流入於洛洛

水之側有石墨山山石盡黑可以書疏故以石墨名
山矣洛水又東枝瀆左出焉東出絕惠水又逕清女
冢南冢在北山上耆舊傳云斯女清貞秀古跡表來
今矣枝瀆又東逕周山上有周靈王冢皇覽曰周靈
王塋於河南城西南周山上蓋以王生而神故謚曰
靈其冢人祠之不絕又東北逕柏亭南皇覽曰周山
在柏亭西北謂斯亭也又東北逕三王陵穀水東北
出焉

一清按此文當與穀水篇註參証

三王或言周景王悼王定王

也魏司徒公崔浩注西征賦云定當為敬子朝作難
西周政弱人荒悼敬二王與景王俱塋於此故世以
三王名陵帝王世紀曰景王塋於翟泉今洛陽太倉
中大家是也而復傳言在此所未詳矣又悼敬二王
稽諸史傳復無塋處今陵東有石碑錄赧王以上世
王名號考之碑記周墓明矣枝瀆東北歷制鄉逕河
南縣王城西歷邾鄆陌杜預釋地曰縣西有邾鄆陌
謂此也枝瀆又北入穀蓋經始周啟瀆久廢不修矣

洛水自枝瀆又東出關惠水右注之世謂之八關水
戴延之西征記謂之八關澤即經所謂散關鄣自南
山橫洛水北屬於河皆關塞也即楊僕家僮所築矣
惠水出白石山之陽東南流與瞻水合水東出婁涿
之山而南流入惠水惠水又東南謝水北出瞻諸之
山東南流又有交觸之水北出廐山南流俱合惠水
惠水又南流逕關北城二十里者也其城西岨塞垣
東枕惠水靈帝中平元年以河南尹何進為大將軍

率五營士屯都亭置函谷廣城伊闕大谷還轅旋門
小平津孟津等八關都尉官治此函谷為之首在八
關之限故世人總其統目有八關之名矣其水又南
流入於洛水山海經曰白石之山惠水出其陽而南
流注於洛謂是水也洛水又與虢水會水出林楮清一
按山海經之山北流注於洛水其南則鹿蹠之山也
作扶豬
世謂之非山其山陰則峻絕百仞陽則原阜隆平甘
水發於東麓北流注於洛水也

又東北過河南縣南

周書稱周公將致政乃作大邑成周於中土南繫於洛水北因於邾山以為天下之大湊孝經援神契曰八方之廣周洛為中謂之洛邑竹書紀年晉定公二十年洛絕於周魏襄王九年洛入成周山水大出南有甘洛城郡國志所謂甘城也地記曰洛水東北過五零陪尾北與澗澀合是二水東入千金渠故瀆存焉

又東過洛陽縣南伊水從西來注之

洛陽周公所營洛邑也故洛誥曰我卜瀍水東亦惟
洛食其城方七百二十丈南繫於洛水北因於邠山
以為天下之湊方六百里因西方八百里為千里春
秋昭公二十三年晉合諸侯大夫戍成周之城故亦
曰成周也司馬遷自序云太史公留滯周南摯仲治
曰古之周南今之洛陽漢高祖始欲都之感婁敬之
言不日而駕行矣屬光武中興宸居洛邑逮於魏晉

咸兩宅焉故魏畧曰漢火行忌水故去其水而加佳
魏為土德土水之牡也水得土而流土得水而柔除

佳加水

一清按師古曰如魚氏說則光武以後改為雒字也

長沙耆舊傳云祝

良字召卿為洛陽令歲時亢旱天子祈雨不得良乃

曝身階庭告誡引罪自晨至午紫雲杳起甘雨登降

人為歌曰天久不雨蒸人失所天王自出祝令特苦

精符感應滂沱下雨

全氏曰下有脫文

則縣司及河南尹治

司隸周官也

一清按續漢書百官志曰司隸校尉本注曰孝武初置劉昭補注引荀綽晉百

官表注曰司隸校尉周官也征和中漢武帝使領徒
依周置司隸周無司隸豈即司寇乎

隸董督京畿後世因名司州焉地記曰洛水東入於
中提山間東流會於伊是也昔黃帝之時天大霧三
日帝遊洛水之上見大魚鯀五牲以醯之天乃甚雨
七日七夜魚流始得圖書今河圖視萌篇是也昔王
子晉好吹鳳笙招延道士與浮丘同遊伊洛之浦舍
始又受玉雞之瑞於此水亦洛神宓妃之所在也洛
水又東合水南出半石之山北逕合水塢而東北流

注於公路澗但世俗音譌號之曰光祿澗非也上有
袁術固四周絕澗迢遞百仞廣四百里有一水淵而
不流故谿澗即其名也合水北與劉水合水出半石
東山西北流注於劉聚三面臨澗在緄氏西南周畿
內劉子國故謂之劉澗其水西北流注於合水合水
又北流注於洛水也

又東過偃師縣南

洛水東逕計素渚中朝時百國貢計所頓故渚得其

名又東逕偃師故縣南與緄氏分水又東休水自南
注之其水導源少室山西流逕穴山南而北與少室
山水合水出少室北溪西南流注休水休水又左會
南溪水發大穴南山北流入休水休水又西南北屈
潛流地下其故瀆北屈出峽謂之大穴口北歷覆釜
堆東蓋以物象受名矣又東屈零星塢水流潛通重
源又發緄氏原側開山圖謂之緄氏山也亦云仙者
昇焉言王子晉控鵠斯阜靈王望而不得近舉手謝

而去其家得遺屐俗亦謂之為撫父堆堆上有子晉祠或言在九山非此世代已遠矣莫能對之劉向列仙傳云世有蕭管之聲焉休水又逕延壽城南緄氏縣治故滑費春秋滑國所都也王莽更名中亭即緄氏城也城有仙人祠謂之仙人觀休水又西轉北屈逕其城西水之西南有司空密陵元侯鄭袤廟碑文缺不可復識又有晉城門校尉昌原恭侯鄭仲林碑晉皇始

一清按晉武帝改元泰始無皇始之號皇始是秦王苻健魏主珪紀年道元蓋誤記也

六年立休水又北流注於洛水洛水又東逕百谷塢
北戴延之西征記曰塢在川南因高為塢高一十餘
丈劉武王西入長安舟師所堡也洛水又北陽渠水
注之竹書紀年晉襄公六年洛絕於洵即此處也洛
水又北逕偃師城東東北厯鄆中水南謂之南鄆亦
曰上鄆也逕訾城西司馬彪所謂訾聚也而鄆水注
之水出北山鄆溪其水南流世謂之溫泉水水側有
僵人穴穴中有僵尸戴延之從劉武王西征記曰有

此尸尸今猶在夫物無不化之理毫無不遷之道而此尸無神識事同木偶之狀喻其推移未若正形之速遷矣鄆水又東南於訾城西北東入洛水故京相璠曰今鞏洛渡北有鄆谷水東入洛謂之下鄆故有上鄆下鄆之名亦謂之北鄆於是有南鄆北鄆之稱矣又有鄆城蓋周大夫鄆肸之舊邑洛水又東逕訾城北又東羅水注之水出方山羅川西北流蒲地水注之水出南蒲阪西北流合羅水謂之長羅川亦曰

羅中也蓋胙子鄩羅之宿居故川得其名耳羅水又
西北白馬谿水注之水出崧山北麓逕白馬塢東而
北入羅水西北流白桐澗水注之水出崧麓桐谿北
流逕九山東又北九山谿水入焉水出百稱山東谷
其山孤峯秀出嵯峴分立伸長統曰昔密有卜城者
身遊九山之上放心不拘之境謂是山也山際有九
山廟廟前有碑云九山顯靈府君者太華之元子陽
九列名號曰九山府君也南據崧岳北帶洛澁晉元

康二年九月太歲庚午

朱氏謀碑箋曰謝云一作太歲在戌按世譜晉元康二年

太歲在壬子而用歷經推之是年九月乙亥朔無庚午日也

帝遣殿中中郎將關

內侯樊廣緄氏令王與主簿傅演奉宣詔命興立廟

殿焉又有百蟲將軍顯靈碑碑云將軍姓伊氏諱益

字隤數帝高陽之第二子伯益者也晉元康五年七

月七日順人吳義等建立堂廟永平元年二月二十

日刻石立頌贊示後賢矣

沈氏曰惠帝紀年先永平後元康如何後建廟先立

石若云元魏之永平相去又遠後有永康永寧永興三元皆以永紀莫能定也

其水東北流

入白桐澗又北逕袁公塢東蓋公路始固有此也故有袁公之名矣北流注於羅水羅水又西北逕袁公塢北又西北逕潘岳父子墓前有碑岳父茆瑯琊太守碑石破落文字缺敗岳碑題云給事黃門侍郎潘君之碑碑云君遇孫秀之難闔門受禍故門生感覆醢以增慟乃樹碑以記事太常潘尼之辭也羅水又於訾城東北入於洛水也

又東北過鞏縣東又北入於河

洛水又東明樂泉水注之水出南原下五泉並導故世謂之五道泉即古明谿泉也春秋昭公二十二年師次於明谿者也洛水又東逕鞏縣故城南東城所居也本周之畿內鞏伯國也春秋左傳所謂尹文公涉於鞏即於此也洛水又東濁水注之即古湟水也水出南原京相璠曰訾城北三里有黃亭即此亭也春秋所謂次於黃者也洛水又東北泝水發南谿石泉世亦名之為石泉水也京相璠曰鞏東地名坎歆

在河水東疑即此水也又逕盤川塢東世又名之曰
盤谷水司馬彪郡國志鞏有坎欲聚春秋僖公二十
四年王出及坎欲服虔亦以為鞏東邑名也今考厥
文若狀焉而不能精辨耳晉太康地記晉書地道記
並言在鞏西非也其水又北入洛洛水又東北流入
於河山海經曰洛水成臯西入河是也一清按山海經曰洛水出
洛西山東北注河入成臯謂之洛汭即什谷也故張
之西道元蓋鈔變其詞
儀說秦曰下兵三川塞什谷之口謂此川也史記音

義曰鞏縣有鄆谷水者也黃帝東巡河過洛修壇沈
璧受龍圖於河龜書於洛赤文綠字堯帝又修壇河
洛擇良議沈榮光出河休氣四塞白雲起迴風逝赤
文綠色廣袤九尺負理平上有列星之分七政之度
帝王錄記興亡之數以授之堯又東沈書於日稷赤
光起元龜負書背甲赤文成字遂禪於舜舜又習堯
禮沉書於日稷赤光起元龜負書至於稷下榮光休
至黃龍卷甲舒圖壇畔赤文綠錯以授舜舜以禪禹

殷湯東觀於洛習禮堯壇降璧三沉榮光不起黃魚
雙躍出濟於壇黑鳥以浴隨魚亦止化為黑玉赤勃
之書黑龜赤文之題也湯以伐桀故春秋說題辭曰
河以道坤出天苞洛以流川吐地符金氏曰元文是
河以通乾出天
苞洛以流坤吐地符古坤字與上王者沉禮焉竹
文複則知道坤二字是妄人所填寫
書記年曰洛伯用與河伯馮夷鬪盖洛水之神也昔
夏太康失政為羿所逐其昆弟五人須於洛汭作五
子之歌於是地矣

伊水出南陽魯陽縣西蔓渠山

山海經曰蔓渠之山伊水出焉淮南子曰伊水出上
魏山地理志曰出熊耳山即麓大同陵巒互別耳伊
水自熊耳東北逕鸞川亭北姦水出姦山北流際其
城東而北入伊水世人謂伊水為鸞水姦水為交水
故名斯川為鸞川也又東為淵潭潭渾若沸亦不測
其深淺也伊水又東北逕東亭城南又屈逕其亭東
東北流者也

東北過鄆落山

陽水出陽山陽谿世人謂之大陽谷水亦取名焉東流入伊水伊水又東北鮮水入焉水出鮮山北流注於伊伊水又與蠻水合水出盧氏縣之蠻谷東流入於伊

又東北過陸渾縣南

山海經曰瀟瀟之水出於釐山南流注於伊水今水出陸渾縣之西南王母澗澗北山上有王母祠故世

因以名谿東流注於伊水即瀟瀟之水也伊水歷崖
口山峽也翼崖深高壁立若闕崖上有塢伊水逕其
下歷峽北流即古三塗山也杜預釋地曰山在縣南
闕駟十三州志云山在東南今是山在陸渾故城東
南八十許里春秋昭公四年司馬侯曰四嶽三塗陽
城太室荆山中南九州之險也服虔曰三塗太行轅
轅峭崿非南望也京相璠著春秋土地名亦云山名
也以服氏之言云塗道也準周書南望之文

一清按
漢志註

臣瓚引周書度邑篇曰武王問太公曰吾將有夏之居南望過於三塗北瞻望於有河冊府元龜引周書度邑曰武王問太公曰吾將因有夏之居也南望過於三塗北瞻望於清河即道元所稱引者服言宜為輾轅大道伊闕皆為非也春秋晉伐陸渾請有

事於三塗知是山名矣有七谷水注之水西出女机

山

一清按女机仙人姓名太霄經云朱中嘗以素書倚酒於女儿家几盞寫學其術女儿陳市酒婦也

寰宇記陝縣女儿山九州要記云富祿縣有女儿年八十居陳留沽酒得道後飛昇於此山蓋山因人得名後人加木作机非也富祿即郡國志酒泉郡之福祿地理志曰祿福也

有西王母祠東南流注於伊水又北蚤谷水注之水

出女机山之東谷東逕故亭南東流入於伊水伊水
又東北逕伏流嶺東嶺上有崑崙祠民猶祈焉劉澄之
永初記稱陸渾縣西有伏流坂者也今山在縣南崖
口北三十里許西則非也北與溫泉水合水出新城
縣之狼臯山西南阜下西南流會於伊水伊水又東
北逕伏睹嶺左納焦澗水水西出鹿鷲山東流逕孤
山南其山介立豐上單秀孤峙故世謂之方山即劉
中書澄之所謂縣有孤山者也東歷伏睹嶺南東流

注於伊伊水又東北涓水注之水出陸渾西山即陸渾都也尋郭文之故居訪胡昭之遺像世去不停莫識所在其水有二源俱導而東注虢畧在陸渾縣西九十里也司馬彪郡國志曰縣西虢畧地春秋所謂虢畧者也北水東流合侯澗水水出西北侯谿東南流注於涓水涓水又東逕陸渾縣故城北平王東遷辛有適伊川見有被髮而祭於野者曰不及百年此其戎乎魯僖公二十二年秦晉遷陸渾之戎於伊川

故縣氏之也渭水東南流左合南水水出西山七谷亦謂之七谷水阻澗東逝歷其縣南又東南左會北水亂流左合禪渚渚水上承陸渾縣東禪陂渚在原上陂方十里佳饒魚葦即山海經所謂南望禪渚禹父之所化郭景純注云禪一音暖鯨化羽淵而復在此然已變怪亦無往而不化矣世謂此澤為慎望陂陂水南流注於涓陽水涓陽水又東南注於伊水昔有莘氏女采桑於伊川得嬰兒於空桑中言其母孕於

伊水之濱夢神告之曰白水出而東走毋明視而見
白水出焉告其鄰居而走顧望其邑咸為水矣其母
化為空桑予在其中矣莘女取而獻之命養於庖長
而有賢德殷以為尹曰伊尹也

又東北過新城縣南

馬懷橋長水出新城西山東逕晉使持節征南將軍
宋均碑南均字文平縣人也其碑太始三年十二月
立其水又東流入於伊又有明水出梁縣西狼臯山

俗謂之石澗水也西北流逕楊亮壘南西北合康水
亦出狼臯山東北流逕范塢北與明水合北注西南
流入於伊山海經曰放臯之山明水出焉南流注於
伊水是也伊水又與大戟水會出梁縣西水有二源
北水出廣成澤西南逕楊志塢北與南水合水源南
出廣成澤西流逕陸渾縣南河南十二縣境薄曰廣
成澤在新城縣界黃臯西北流屈而東逕楊志塢南
又北屈逕其塢東又逕塢北同注老倒澗俗謂之老

倒澗水西流入於伊伊水又北逕新城東與吳澗水
會水出縣之西山東流南屈逕其縣故城西又東轉
逕其縣南故蠻子國也縣有鄧聚今名蠻中是也漢
惠帝四年置縣其水又東北流注於伊水伊水又西
北逕當階城西大狂水入焉水東出陽城縣之大砮
口山海經曰大砮之山多瑋瑋之玉其陽狂水出焉
西南流注於伊水其中多三足龜人食之者無大疾
可以已腫狂水又西逕綸氏縣故城南竹書紀年曰

楚吾得帥師及秦伐鄭圍綸氏者也左與倚薄山水
合水北出倚薄之山南逕黃城西又南逕綸氏縣故
城東而南流注於狂水狂水又西八風谿水注之水
北出八風山南流逕綸氏縣故城西西南流入於狂
水狂水又西得三交水口水有三源各導一谿並出
山南流合舍故世有三交之名也

一清按寰宇記潁陽縣下引水經注

云三交水石上菖蒲一寸九節為藥最妙服久化仙
校勘云按水經洛水注有三交水不見石菖蒲事恐
近世水經本
有脫遺耳

其水西南流注於狂水狂水又西逕

高山北西南與湮水合水出東北湮谷西南流逕武林亭東北又屈逕其亭南其水又西南逕湮陽亭東蓋藉水以名亭也又東南流入於狂狂水又西逕湮陽城南又西逕當階城南而西流注於伊伊水又北土溝水出元望山西東逕元望山南又東逕新城縣故城北東流注於伊水伊水又北板橋水入焉水出西山東流入於伊水伊水又北會厭澗水水出西山東流逕邨垂亭南春秋左傳文公十七年秋周甘斂

敗戎於邠垂者也服虔曰邠垂在高都南杜預釋地
曰河南新城縣北有邠垂亭司馬彪郡國志曰新城
有高都城今亭在城南七里遺基猶在京相璠曰舊
說言邠垂在高都南今上黨有高都縣余謂京論疎
遠未足以證無如虔說之旨密矣其水又東注於伊
水伊水又北逕高都城東徐廣史記音義曰今河南
新城縣有高都城竹書紀年梁惠成王十七年東周
與鄭高都利者也又來需之水出於半石之山西南

流逕斌輪城北西歷芟澗水以其西流又謂之小狂
水也其水又西南逕大石嶺南開山圖所謂大石山
也山下有大石嶺碑河南隱士通明以漢靈帝中平
六年八月戊辰於山堂立碑大字淺鄙殆不可尋魏
文帝獵於此山虎超乘輿孫禮拔劍投虎於是山
在洛陽南而劉澄之言在洛東北非也山阿有魏明
帝高平陵王隱晉書曰惠帝使校尉陳總仲元詣洛
陽山請雨總盡除小祀惟存大石而祈之七日大雨

即是山也來需之水又西南逕赤眉城南又西至高
都城東西入伊水謂之曲水也

又東北過伊闕中

伊水逕前亭西左傳昭公二十二年晉箕遺樂徵右
行詭濟師取前城者也京相璠曰今洛陽西南五十
里伊闕外前亭矣服虔曰前讀為臬周地也伊水又
北入伊闕昔大禹疏以通水兩山相對望之若闕伊
水歷其間北流故謂之伊闕矣春秋之闕塞焉昭公

二十六年趙鞅使女寬守闕塞是也陸機曰洛有四

闕斯其一焉東巖西嶺並鐫石開軒高甍架峯西側

靈巖下泉流東注入於伊水傅毅反都賦曰因龍門

以暢化開伊闕以達聰也闕左壁有石銘云黃初四

年六月二十四日辛巳大出水舉高四丈五尺齊此

已下蓋記水之漲減也右壁又有石銘云永康五年

一清按晉惠帝永康紀元僅一年即改永寧當是元康之誤

河南府君循大禹之

軌部督郵辛曜新城令王琨部監作掾董猗李褒斬

岸開石平通伊闕石文尚存也

又東北至洛陽縣南北入於洛

伊水自闕東北流枝津石出焉東北引溉東會合水
同注公路澗入於洛今無水戰國策曰東周欲為田
西周不下水蘇子見西周君曰今不下水所以富東
周也民皆種他種欲貧之不下水以病之東周必
復種稻種稻而復奪之是東周受命於君矣西周遂
下水即是水之故渠也伊水又東北枝渠左出焉水

積成湖北流注於洛今無水伊水又東北至洛陽縣南逕園丘東大魏郊天之所準漢故事建之後漢書郊祀志曰建武二年初制郊兆於洛陽城南七里為園壇八陛中又為重壇天地位其上皆南向其外壇上為五帝位其位為壇重營皆紫以像紫宮按禮天子大裘而冕祭昊天上帝於此今衮冕也壇壝無復紫矣伊水又東北流注於洛水廣志曰鮪魚聲如小兒啼有四足形如鱧可以治牛出伊水也司馬遷謂

之人魚故其著史記曰始皇帝之塋也以人魚膏為
燭徐廣曰人魚似鮎而四足即鮪魚也

澠水出河南穀城縣北山

縣北有潛亭澠水出其北梓澤中梓澤地名也澤北
對原阜即裴氏墓塋所在碑闕存焉其水歷澤東南
流水西有一原其上平敞古替亭之處也即潘安仁
西征賦所謂越街郵者也

東與千金渠合

周書曰我卜瀍水西謂是水也東南流水西南有帛仲理墓墓前有碑題云真人帛君之表仲理名護益州巴郡人晉永寧二年十一月立瀍水又東南流注於穀穀水自千金竭東注謂之千金渠也

又東過洛陽縣南又東過偃師又東入於洛

澗水出新安縣南白石山


山海經曰白石之山惠水出於其陽東南注於洛澗水出於其陰北流注於穀世謂是山曰廣陽山水曰

赤岸水亦曰石子澗地理志曰澗水出新安縣東南
東入洛是為密矣東北流歷函谷東坂東謂之八特
坂摯仲治三輔決錄注云馬氏兄弟五人共居澗穀
二水之交作五門客因舍以為名今在河南西四十
里以山海經推校里數不殊仲治所記水會尚有故
居處斯則澗水也即周書所謂我卜澗水東言是水
者也

東南入於洛

孔安國曰澗水出黽池山今新安縣西北有一水北出黽池界東南流逕新安縣而東南流入於穀水安國所言當斯水也然穀水出黽池下合澗水得其通稱或亦指之為澗水也並未詳之耳今孝水東十里有水世謂之慈澗又謂之澗水按山海經則少水也而非澗水蓋習俗之誤耳又按河南有離山水謂之為澗水水西北出離山東南流注於澗水也又東南流歷邾山於穀城東而南流注於穀舊與穀水亂流

同南入於洛今穀水東入千金渠澗水與之俱東入洛矣或以是水並為周公之所相卜也呂忱曰今河南死水疑其是即此水也然意所未詳故並書存之耳



水經注釋卷十五